

MSM BERIKRAR KEPADA INISIATIF SASARAN BERASASKAN SAINS (SBTi) DAN MATLAMAT SIFAR BERSIH

Mengukuhkan lagi komitmen dan sasaran ESGnya untuk menjadi neutral karbon

KUALA LUMPUR, 14 Mac 2022 – MSM Malaysia Holdings Berhad (MSM), pengeluar gula bertapis terkemuka di Malaysia telah mengesahkan dan komited kepada Inisiatif Sasaran Berasaskan Sains (SBTi) dan Matlamat Sifar Bersih (*Business Ambition for 1.5 Celsius* (1.5°C)) oleh Kompak Global Pertubuhan Bangsa-bangsa Bersatu (UNGC) pada 3 Mac 2022, yang menyeru untuk mengehadkan pemanasan global kepada 1.5°C. Dengan menandatangani inisiatif SBTi dan Sifar Bersih ini, ia merupakan sebahagian daripada peningkatan rangka kerja Alam Sekitar, Sosial dan Tadbir Urus (ESG) MSM.

MSM ialah syarikat berasaskan makanan kedua di Malaysia yang menyokong komitmen tersebut selepas syarikat induk FGV Holdings Berhad, di mana sasaran berasaskan Sains menyediakan hala tuju yang jelas untuk syarikat mengurangkan pelepasan Gas Rumah Hijau (GHG), membantu mencegah kesan perubahan iklim melampau dan pertumbuhan perniagaan yang kukuh.

Selepas menandatangani Surat Komitmen, MSM mempunyai masa selama 24 bulan untuk menyerahkan sasaran pengurangan pelepasan berasaskan sains (sasaran jangka dekat) yang ditetapkan dan disahkan serta diterbitkan oleh SBTi. Sasaran yang diserahkan kepada SBTi hendaklah melalui tapisan awal untuk memastikan kriteria asas dipenuhi.

Ketua Pegawai Eksekutif Kumpulan MSM, Syed Feizal Syed Mohammad berkata, “MSM telah mula mengumpul data dan memantau trend jejak karbonnya serta pelepasan GHG sejak tahun 2018, justeru usaha sedia ada harus diteruskan, dengan penambahbaikan dan penyelarasan melalui pendigitalan bagi memastikan rancangan MSM untuk menjadi neutral karbon tercapai lebih awal lagi sebelum 2050.”

“MSM menyedari peranannya untuk mengurangkan risiko perubahan iklim, serta perkara berkaitan kemampanan dan telah mengambil langkah penting dengan menubuhkan jabatan khas berkaitan ESG dan pasukan khas merangkumi seluruh kumpulan terdiri daripada petugas yang berpengalaman dan sokongan pakar luar untuk memantau pelepasan GHG dan inventori, penjaan sisa, pemuliharaan sumber, dan pelbagai inisiatif serta program lain. Kami akan memantau dengan teliti aktiviti karbon berkaitan Skop 1 dan 2 untuk berusaha ke arah menjadi neutral karbon melalui program rangsangan sambil melanjutkan



jangkauan seterusnya ke Skop 3 dalam ekosistem perniagaan kami. Semua usaha ini bukan hanya mengenai pematuhan tetapi membuat perkara yang betul,” tambah Syed Feizal.

Beberapa inisiatif berterusan MSM mencari peluang dalam operasi pembuatan yang lebih hijau seperti bumbung solar, dandang biomas dan mempertimbangkan menggantikan bahan api fosil dengan menggunakan campuran bahan api B20 untuk logistik sebagai sebahagian daripada komitmen Kumpulan untuk menangani perubahan iklim di semua operasi iaitu, MSM Prai Berhad, MSM Sugar Refinery (Johor) Sdn Bhd dan MSM Logistics Sdn Bhd.

Kumpulan MSM komited untuk meneruskan inisiatif ini secara aktif dan seterusnya untuk meneutralkan pelepasan GHG dalam menangani perubahan iklim melalui pendekatan operasinya untuk mencapai sasaran secara komited selaras dengan aspirasi Kumpulan, nasional dan antarabangsa.

-TAMAT-

Maklumat MSM Malaysia Holdings Berhad (MSM)

MSM Malaysia Holdings Berhad (MSM) adalah pengeluar gula bertapis terkemuka di Malaysia yang terlibat dalam pengeluaran, pemasaran dan penjualan produk gula bertapis di bawah jenama. Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan syarikat logistik - MSM Logistics Sdn Bhd. Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2020, MSM mengeluarkan sebanyak 1,010,215 tan gula bertapis, di mana 270,628 tan adalah untuk pasaran eksport. Ketika ini, MSM menguasai 60% majoriti syer pasaran domestik. Ditubuhkan pada 10 Mac 2011, MSM disenaraikan di Pasaran Utama Bursa Malaysia Securities Berhad pada 28 Jun 2011 dengan modal pasaran sebanyak RM 401 million setakat 31 Disember 2020. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan. MSM juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama “Gula Prai”. MSM juga turut menjual ‘molasses’ sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produknya. MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan penganjurnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti “percaya”, “menganggarkan”, “mengharapkan”, “menjangka”, “berhasrat”, “mungkin”, “akan”, “merancang”, “prospek” dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

Untuk pertanyaan media sila hubungi:

Siti Noorbaya Mohd Yunus
+603 2181 5018 ext. 158
+6016 677 6118
noorbaya.my@msmsugar.com

Syahidah Ismail
+603 2181 5018 ext. 154
+6019 225 9705
syahidah.i@msmsugar.com